




Subiranotasunaren ikur bat gutxiago. Dagoeneko Euro-Eskualdea deritzon horretan parte hartuko duten estatuek, hau da, EBko guztiek Erresuma Batua, Grezia, Suedia eta Danimarka izan ezik, historian zehar estatuen burujabetasunaren adierazgarri izan den moneta iraganean utziko dute. Euroak 11 moneta desagertaraziko ditu finantza mundutik 1999an, eta poltsikoetatik 2002. urtean.

Mende erdiko historiaren mugarriak

1950eko maiatza



Schuman Adierazpena.
Robert Schuman, Frantziako Atzerri ministroak, Alemaniak eta Frantziak ikatza eta altzairu baliabideak elkarrekin kudea zitzaten proposamena egin zuen. Haren giblean, Jean Monneten eskua zegoen, Europako batasunaren aita-tzat jo denarena.

Argazkietan: R. Schuman eta Jean Monnet.

1951ko apirila



Europako Ikatza eta Altzairuaren Elkartea.

Shumanek eginako proposamenari erantzunez, Frantziak, Alemaniak, Holandak, Belgikak, Italiak eta Luxemburgok Europako Ikatza eta Altzairuaren Elkartea osatu zuten. Egungo EBren hazia izanen zen.

1957ko martxoa

Erromako Itunak.

CECA osatu zuten estatuek Erromako Itunak sinatu zituzten. Hau da, Europako Elkartea Ekonomikoaren eta Europako Atomo Energiaren Elkartearen (EURATOM) sorrera. Moneta trukerako tasak interes komunez gaitzat jo zuten.

Argazkian: Erromako Ituna sinatzeko ekitaldia.



1973ko urtarrila



Hiru herrialde gehiago. Ordu arte sei estatuk osatzen zuten elkartea, eta bertze hiru sartu ziren. Frantziak De Gaulleren eskutik Erresuma Batuari ezarritako betoa kendu zion, eta horrekin batera Irlanda eta Danimarka sartu ziren EEEn.

1979ko martxoa



Europako Moneta Sistema indarrean.

Elkarteko estatuen arteko trukea malgutasunez egonkortzeko Europako Moneta Sistema eratū zuten. Erresuma Batuko libra esterlina izan ezik, gainontzekoek osatzen zuten saskia zen. Ecua Europako kontu unitatea da ordudunik. 1979ko ekainean egin ziren Europako Parlamenturako lehen hauteskundeak, kideak ziren estatuetan.

1981-1986



Grezia, Espainia eta Portugal, EEEn kide. Mediterraneo aldeko hedapen garaia izan zen. Negoziazio luze eta korapilatsuen ondoren, Iberiako penintsulako bi estatuak EEEn sartu ziren 1986an. Bost urte lehenago, 1981ean, Grezia sartu zen.